

1247, octubre, 25

Privilegi de protecció concedida pel papa Inocenci IV al monestir de Sant Daniel.

ASD núm. 143**, perg. orig., 580 x 530 mm.

Innocentius episcopus, seruus seruorum Dei, dilectis in Christo filiabus abbatisse monasterii Sancti Danielis eiusque sororibus tam presentes quam futuris regulari uita professis in perpetuum. Religiosam uitam eligentibus apostolicum conuenit adesse presidium, ne forte cuiuslibet temeritatis incursus aut eos a proposito reuocet aut robur quod qbsit sacre religionis eneruet. Eapropter dilecte in Domino filie, uestris iustis postulationibus clementer annuimus et monasterium Sancti Danielis Gerundensis diocesis, in quo diuino estis obsequio mancipe sub beati Petri et nostra protectione suscipimus et presentes (sic) scripti priuilegio communimus. In primis siquidem statuentes ut ordo monasticus qui secundum Deum et beati Benedicti regulam eodem monasterio institutus esse dinoscitur, perpetuüs ibidem temporibus inuiolabiliter obseruetur. Preterea quascumque possessiones, quecumque bona monasterium in presenciarum iuste ac canonice possidet aut in futurum concessione pontificum, largacione regum uel principum, oblatione fidelium seu aliis iustis modis prestante Domino poterit adipisci, firma uobis et eis qui uobis successerint et illibata permaneant, in quibus hec propriis duximus exprimenda uocabulis. Locum ipsum in quo prefatum monasterium situm est cum omnibus pertinenciis suis, ecclesiam Sancti Andree de Pedriniano cum omnibus pertinenciis suis necnon et alias possessiones uestras cum pratis, uineis, nemoribus, uluagiis et palaris in bosco et plano, in aquis et molendinis, in uiis et semitis et omnibus aliis libertatibus et immunitatibus suis. Sane noualium uestrorum que propriis sumptibus colitis, de quibus aliquis hactenus non percepit, siue de uestrorum animalium nutrimentis nullus a uobis decimas exigere uel extorquere presumat. Liceat quoque uobis personas liberas et absolutas e seculo fugientes ad conuersionem recipere ac eas absque contradictione aliqua retinere. Prohibemus insuper ut nulli sororup uestrarum post factam monasterio uestro professionem licitum sit sine abbatisse sue licencia nisi arctioris religionis optentu de eodem loco discedere; discedentem uero absque communium litterarum nostrarum cautione nullus audeat retinere. Cum autem generale interdictum terre fuerit, liceat uobis clausis ianuis exclusis excomunicatis et interdictis, non pulsatis campanis suppressa uoce diuina officia celebrare dummodo causam non dederitis interdicto. Crisma uero olem sacri consecrationis altarium seu basilicarum benedictiones monialium a diocesana suscipietis episcopo, siquidem catholicus fuerit et gratiam et communionem sacrosancte Romane sedis habuerit et ea uobis uoluerit sine prauitate aliqua exhibere. Prohibemus insuper ut intra fines parrochie uestre nullus sine assensu diocesani episcopi et uestro capellam seu oratorium de nouo construere audeat, saluis priuilegiis pontificum Romanorum. Ad hec nouas et indebitas exactiones ab archiepiscopis, episcopis, archidiaconis seu decanis aliisque omnibus ecclesiasticis secularibusue personis a uobis omnino fieri prohibemus. Sepulturam quoque ipsius loci liberam esse decernimus, ut

eorum deuocioni et extreme uoluntati qui se illuc sepeliri deliberauerint, nisi forte excomunicati uel interdicti sint aut etiam publice usurarii nullus obsistat, salua tamen iusticia illarum ecclesiarum a quibus mortuorum corpora assumuntur. Decimas preterea et possessiones ad ius ecclesiarum uestrarum s'pectantes que a laicis detinentur redimendi et legitime liberandi de manibus eorum et ad ecclesias ad quas pertinent reuocandi libera sit uobis de nostra auctoritate facultas. Obeunte uero te nunc eiusdem loci abbatissa uel earum aliqua que tibi successerit nulla ibidem qualibet subreptionis astutia seu uiolencia preponatur nisi quam sorores communi consensu uel earum maior pars consilii sanioris secundum Deum et beati Benedicti regulam prouiderint eligendam. Paci quoque et tranquillitati uestre paterna in posterum sollicitudine prouidere uolentes, auctoritate apostolica prohibemus ut infra clausuras locorum seu grangiarum uestrarum nullus rapinam seu furtum facere, ignem apponere, sanguinem fundere, hominem temere capere uel interficere seu uiolencias audeat exercere. Preterea libertates et immunitates a predecessoribus nostris Romanis pontificibus monasterio uestro concessas necnon libertates et exemptiones secularium exactionum a regibus et principibus uel aliis fidelibus rationabiliter uobis indultas auctoritate apostolica confirmamus et presentis scripti priuilegio communimus. Decemimus ergo ut nulli omnino hominum liceat prefatum monasterium temere perturbare aut eius possessiones auferre uel ablatas retinere, minuere seu quibuslibet uexationibus fatigare, sed omnia integra conseruentur earum pro quarum gubernatione ac sustentatione concessa sunt usibus omnimodis profutura, salua sedis apostolice auctoritate et diocesani episcopi canonica iustitia. Si qua igitur in futurum ecclesiastica secularisue persona hanc nostre constitutionis paginam sciens contra eam temere uenire temptauerit, secundo tercioue commonita nisi reatum suum congrua satisfactione correrit, potestatis honorisque sui careat dignitate reaque se diuino iuditio existere de perpetrata iniuitate cognoscat et a sacratissima corpore et sanguine Dei et domini redemptoris nostri Ihesu Christi aliena fiat atque in extremo examine districte subiaceat ultioni. Cunctis autem eidem laco sua iura seruantibus sit pax Domini nostri Ihesu Christi quatinus et hic fructibus bone actionis percipient et apud districtum iudicem premia eterne pacis inueniant, amen, amen, amen.

(Rota) Ego Innocentius, catholice ecclesie episcopus. Bene ualete. +Ego Petrus tituli Sancti Marcelli presbiter cardinalis. +Ego Oto Portuensis et Sancte Rufine episcopus. +Ego Petrús, Albanensis episcopus. + Ego Iohannes Sancti Nicolai in carcere Tuliano diaconus cardinalis. +Ego Willelmus, Sancti Eustachii diaconus cardinalis. +Ego Iohannes tituli Sancti Laurenci in Lucina presbiter c.ardinalis. + Ego fra ter Berengarius, tituli Sancte Sabine presbiter cardinalis.

Datum Lugduni per manum magistri Martini, sancte Romane ecclesie uicecancellarii .VIII. kalendas nouembbris inductione .VI., Incamationis Dominice anno .MCCLVII., pontificatus uero domini Innocentii pape quarti anno quinto.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 295-297